



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 98. Leges a Calvinistis in suo Conventu Regi præscriptæ.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. postquam Condæum cum valido exercitu in Pictonibus castra metari, ac Luxemburgensem exercitum a Regiis fuisse interceptum compererant, ad Condæum e suorum numero selectos, qui de communi causa cum ipso deliberarent, ablegarunt, ipsique in scio Rege conventum suum die sexta Octobris Gratianopoli Nemausum, inde vero Rupellas transfulerunt, ut eo opportunius sua arma seditiosis Principibus conjungere valerent.

§. XCVIII.

Leges a Calvinistis in suo Conventu Regi præscriptæ.

Nunquam luculentius quam in hac ipsa seditione Calvinistarum indoles innotuit; eodem enim tempore, quo immotum suum erga Regem studium, ac Regiæ auctoritatis, salutisque tuendæ sollicitudinem verbis deprædicarunt, omnia in bellum contra Regem parata tenebant, Oratores suos sedus cum rebellibus inibant, ac legitimum suum Regem minis & armis ad leges & pacta juxta eorum arbitrium firmanda compellere nitebantur; hanc in rem in suo Conventu in hæc quindecim capita a Rege expetenda cum Principum Deputatis convenerant.

I. Con-

I. Condæus & Principes eidem addicti Sæc. XVII.
 suas vires cum Calvinistis jungant, ea A. C. 1615.
 quæ ad Personam, salutemque Regis
 tuendam facere possent, prospicientes:
 quocirca articulus de Regis potestate a
 Deo immediate collata tanquam Lex
 Regni fundamentalis stabiliatur. II.
 Ultione reparetur Henrici IV. cædes,
 instituta in omnes de ea suspectos. III.
 Cum Concilii Tridentini petita a Clero
 & Nobilitate in iisdem comitiis promul-
 gatio non sit e re Gallica, ideoque reii-
 ciatur. IV. Quia Sacramento solemn-
 fidem adstringit Rex, dum inauguratur,
 abacturum se ditone sua hæreticos,
 programmate Regio declaretur, nihil
 eo sacramento contineri de Gallis, qui
 reformationem sectantur. V. Actis Pa-
 storum, qui gregi ministrant, si quæ in
 publicum edunt, non inferantur, quæ
 publicis instrumentis adiici moris est,
 verba hæc (*Religionis quam reformatam
 vocant*) sed pure & simpliciter Religio-
 nis, nihil adjecto. VI. adscribantur
 cis Ligerim eæ urbes, quarum nunc
 diruta sunt munimenta, in earum nu-
 merum, quæ a reformatis securitatis
 nomine possidentur. VII. Substituatur
 Vergerio Senatori Lutetiano olim refor-
 mato, in præsens Catholico Romano
 alius, qui a reformatis eo officio defun-
 gi possit. VIII. Regiis sumptibus alan-
 tur

Sæc. XVII. tur Sacrorum Ministri. IX. Præfecti
 A. C. 1615. urbium, quæ securitatis vocantur, in
 partibus Ecclesiarum, electione insti-
 tuantur. X. Tollatur postmodum lex
 pravo inducta usu, per quam præstan-
 do reformatis Ecclesiis in aula officio
 sex nominari solent, ex quibus duorum
 est Regi delectus, quos retinet plerum-
 que suspectos delegantibus; ad admo-
 vandam posthac suspicionem duorum tantum
 fiat electio, quam Rex confirmare tene-
 bitur. XI. Urbis Sedanneæ, quæ a
 Rege Gallo præstari solet, protectio con-
 firmetur, solitæque pensiones & stipen-
 dia solvantur Principi. XII. In decem
 annos abhinc numerandos reformatis
 earum urbium, quas securitatis nomi-
 nant, possessio prorogetur. XIII. Con-
 cilium Regis arctius restituatur. Quale
 fuit regnante Henrico IV. XIV. Cleri-
 ci, & quicumque alii in reformatas Ec-
 clesias odio manifesti arceantur a cog-
 nitione litium, quibus ipsorum causæ
 agitabuntur. XV. Dignæ sunt, qui-
 bus summa auctoritas sit, monitiones a
 Principe Condæo, juxta a Parlamento
 Lutetiano nuper ad Regem habitæ,
 ideoque exoretur Rex, ut præbeat
 posthac consiliis regno tam salutaribus,
 & faciles aures, & assensum.

Nihilominus insuperhabito hoc Cal-
 vinistarum molimine Mense Julio in quo-
 dam

Sæc. XVII.
A. C. 1615.

dam Cleri Gallicani conventu Parisiis habito Concilium Tridentinum unanimi suffragio & consensu recipiebatur, fatagente præprimis Cardinale Rupi-Focaldo, nec invito ipso etiam Rege, qui tamen novi motus timore palam suum assensum, auctoritatemque interponere verebatur; inde vero Calvinistæ audaciores effecti potissimos forensis Curie Parisinæ Senatores eo induxere, ut supplicem Cleri libellum, quem de acceptanda hac Synodo Regi porrexerant, supprimentes omnibus sui territorii Clericis inhiherent, ne præfatum Concilium tanquam in Regno auctoritate Regia acceptatum agnoscerent, indicta in transgressores bonorum proscriptione, & statutis Majestatis læsæ pœnis. Cedendum igitur erat eorum violentiæ, quocirca Episcopi sequenti anno declararunt, quod ea, quæ anno priori circa Tridentinam Synodum sine Regis consensu acta fuissent, reparanda, ac in pristinum statum revocanda essent. Ea enim erat illius ævi iniquitas ac Sectariorum audacia, ut non modo Episcopi Laicis etiam in rebus Sacris, sed ipsemet Rex suis subditis ad evitanda graviora mala cedere cogeretur, eique lex præscriberetur ab illis, qui tamen in Regis auctoritate super omnem in terris potestatem evehenda, se ad laborare si-

Sæc. XVII. A. C. 1615. mulabant: Unde Gramondus indignitate facti commotus, ac nuper allegata capita Regi præscripta non sine indignatione ponderans ita exclamat: „Superba plebiscita gentis! Sectarii usque in tyrannidem rerum imperia prosperis rebus affectant. Piget me, dum hæc scribo, vesanæ libidinis, qua se præcipitem dedit secta impotens, gens perniciofa Catholicis, sibi exitiosa, cujus casu trahetur omnis ordo, quo tempore, calcato velut bufone, peribimus una & nos, quorum vestigio conteretur secta,„ Ceterum Ludovicus XIII. Rex tum Ambasiæ agebat, qui receptis hisce articulis, necnon Calviniani Conventus Deputatis se responsurum edixit, quam primum Turonium delatus esset: eo autem cum adventasset, Deputatos Pictavium, inde Burdegalam remisit, qua cunctatione fat manifestum reddidit, quod tam proterva postulata nullo vel tardo responso dignaturus esset.

Calmet. Hist. Univerf. num. 87.

§. XCIX.

Fœdus Condæi Principis cum Hugonottis.

Gramond. pag. 97.

Nihilominus Rex Calvinistarum importunitate expugnatus, præfatis eorum articulis quædam adjecit, alia au-